



Pou Piblikasyon Imedya: 04/05/2022

GOUVÈNÈ KATHY HOCHUL

**GOUVÈNÈ HOCHUL ANONSE 11 MILYON DOLA POU ELAJI PWOGGRAM  
PREVANSYON HEALTHY FAMILIES NEW YORK KE YO PWOUVRE A NAN CHAK  
KONTE**

*Finansman an pral elaji sèvis vizit adomicile ak sèvis kominotè gratis pou ranfòse  
ak sipòte timoun ak fanmi yo atravè Eta New York*

*Healthy Families New York ankouraje ak amelyore swen prenatal, sante matènèl,  
pi bon rezulta akouchman, relasyon ant paran-pitit, sante timoun ak siksè lekòl*

Gouvènè Kathy Hochul te anonse jodi a ke gen 11 milyon dola nan finansman ki soti nan Bidjè Eta ki fèk adopte a ki disponib kounye a pou elaji ak sipòte pwogram Healthy Families New York ke yo pwouve a epi ki baze sou prèv la—yon pwogram sansibilizasyon kominotè preventif ki ofri vizit volontè pou fiti paran ak fanmi ak tibebe yo.

"Healthy Families New York se yon pwogram ke yo pwouve ki te ede ranfòse fanmi yo ak amelyore byennèt timoun yo atravè New York", **Gouvènè Hochul te deklare**. "Li empòtan anpil pou nou kontinye fè envestisman entelijan nan pwogram ki baze sou prèv ki bay sipò dirèk pou timoun ak fanmi yo lè yo plis bezwen li. Finansman sa a pral elaji pwogram Healthy Families New York ke yo pwouve a nan chak konte, sa k ap bay plis jèn fanmi yo sipò yo bezwen pou yo bati yon vi ki an sante epi ede pitit yo pwospere."

Jere pa Biwo Sèvis Timoun ak Fanmi (Office of Children and Family Services, OCFS) Eta New York, Healthy Families New York ankouraje swen prenatal optimal, pi bon rezulta akouchman ak kwasans ak devlopman pozitif pou amelyore relasyon ant paran-pitit, sante matènèl, sante timoun ak siksè lekòl. Gen yon demann pou pwopozisyon pou 9 milyon dola pou elaji Healthy Families New York nan chak konte nan eta a. Yon lòt 2 milyon dola pral soutni asistans teknik, fòmasyon ak sistèm done ki nesesè pou sipòte novo pwogram yo epi kenbe fidelite ak modèl Healthy Families New York la.

Yon total 9 milyon dola chak ane soti 2022 rive 2025 pral disponib pou finanse pwopozisyon pou sèvi konte ki poko gen yon pwogram Healthy Families New York. RFP a elaji non sèlman pwoteksyon jewografik Healthy Families New York la, men tou, elijiblite pou fanmi ki gen timoun ki gen laj jiska 24 mwa nan enskripsyon lè depatman sèvis sosyal lokal yo refere li, apati laj maksimòm twa mwa aktyèl la.

Sèvis Healthy Families New York yo enkli ede fanmi yo jwenn aksè ak resous ak sèvis kominotè yo, edike fanmi yo sou edikasyon parantal ak devlopman timoun, konekte fanmi yo ak pwofesyonèl swen sante yo epi evalye timoun yo pou reta devlopmantal yo. Eleman sa a nan Healthy Families New York an ak akò ak Plan Prevansyon Fanmi Dabò (Family First Prevention Plan) eta a pou ranfòse fanmi yo epi redwi chans pou timoun yo antre nan swen adoptif.

Dènye envestisman sa a nan Healthy Families New York fè pati angajman kontinyèl Gouvènè Hochul pran pou sipòte timoun ak fanmi yo, ki gen ladan yon envestisman [istorik, 7 milya dola](#) nan gadri nan Bidjè Eta adopte a. Bidjè a ogmante limit revni elijibilite pou sibvansyon gadri nan 300 poustan nivo federal povrete (83,250 dola pou yon fanmi ki gen kat moun)—sa ki elaji elijibilite pou plis pase mwatye jèn timoun yo nan New York. Li gen ladan tou 343 milyon dola pou estabilize founisè gadri yo ki te frape finansyèman pandan pandemi an, 50 milyon dola pou etabli yon pwogram kapital gadri, ak 15.6 milyon dola pou asire tout kanpis SUNY ak CUNY yo gen sant gadri.

**Komisè Biwo Sèvis Timoun ak Fanmi Eta New York la, Sheila J. Poole, te deklare,** "Priyорите Biwo Sèvis Timoun ak Fanmi Eta New York la se ranfòse ak sipòte fanmi yo epi ede moun ki gen plis bezwen yo anvan yo gen nenpòt bezwen pou pwogram byennèt timoun yo bezwen fè entèvansyon oswa lè yon fanmi ka resevwa sèvis preventif. Atravè RFP sa a, plis fanmi menm ka jwenn aksè ak sèvis vital sa yo, ki konpetan sou plan kiltirèl ak lenguistik epi ki sipòte fanmi nou yo ki pi piti."

**Stephen J. Acquario, ki se Direktè Egzekitif NYSAC, te deklare,** "Soti nan entèvansyon prematire rive nan edikasyon preskolè, konte yo bay sèvis fanmi yo bezwen pou sipòte yon kòmansman an sante pou pitit yo. Nou felisite Gouvènè Hochul ak lidè eta yo paske yo rekonèt ak envesti nan potansyèl enkwayab ki egziste pou eta fè patenarya ak gouvènman konte yo pou pote sèvis sa yo, ki pwouve ke yo amelyore rezulta yo pou timoun ak fanmi yo, nan chak kwen nan eta nou an."

**Margaret Gullick, ki se Direktè Sant pou Rechèch Sèvis Imen nan SUNY Albany an, te deklare.** "Sant pou Rechèch Sèvis Imen nan SUNY Albany se yon patnè fyè nan sèvis ak efò prevansyon pou timoun ak fanmi Eta New York, ki gen ladan Healthy Families New York, depi kreyasyon nou an. Nou kontan anpil sou agrandisman sèvis sa a ak opòtinite pou Sant Rechèch Sèvis Imen pou bay bon jan kalite sistèm done jesyon ak asistans teknik, epi fè rechèch ak evalyasyon ki pral demonstre enpak fon ak pwogram sa yo nan lavi timoun Eta New York yo."

**Ko-Prezidan Konsèy Konsilitatif Timoun Piti nan Eta New York, Patricia Persell, ak Sherry Cleary, te deklare,** "Vizit adomisil se yon fason ki enpòtan anpil pou konekte ak fanmi ki gen timoun ki vrèman piti. Elaji Healthy Families se yon envestisman entelijan nan timoun, fanmi yo ak nan avni New York."

**Prezidan ak PDG Sant Schuyler pou Analiz ak Defans Ian, Kate Breslin, te deklare,** "Pandan plis pase 20 ane Sant Schuyler te dirije avèk siksè yon efò pou pote

atansyon ak resous yo nan kad vizit adomisil pou manman, tibebe ak timoun piti. Vizit adomisil ki baze sou prèv yo kenbe pwomès pou ede Eta New York rezoud kèk nan pwoblèm ki pi boulvèsan ptit li yo ak konfwonte—ki gen ladan povrete, move tretman, ak disparite edikatif ak sanitè. Nou felisite Gouvènè Hochul paske li rekonèt enpòtans envestisman sa a nan timoun ak fanmi New York yo."

**Manm Asanble Andrew Hevesi te deklare**, "Mwen kontan dèsk 11 milyon dola te enkli nan bidjè a pou elaji Healthy Families New York, yon pwogram vizit adomisil ki sipòte fanmi yo nan ofri sèvis prenatal ak timoun piti, ki gen ladan ede fanmi yo jwenn aksè ak resous ak sèvis kominotè yo, edike fanmi yo sou edikasyon parantal ak devlopman timoun piti, konekte fanmi yo ak founisè medikal yo epi evalye timoun yo pou reta devlopmantal yo. Entèvansyon prematire sa yo enpòtan anpil pou prepare timoun nou yo ak fanmi nou yo pou yo reyisi. Mèsi a Komisè Poole ak tout moun nan Biwo Sèvis pou Timoun ak Fanmi Eta New York la pou aksyon rapid yo nan itilize lajan sa yo pou jwenn sèvis pou fanmi yo touswit."

Konte sible yo se Cayuga, Chautauqua, Columbia, Essex, Fulton, Genesee, Greene, Hamilton, Lewis, Montgomery, Nassau, Onondaga, Putnam, Saratoga, Schoharie, Schuyler, Seneca, Tompkins, Warren, Washington ak Wyoming.

Pwopozisyon yo dwe soumèt apati 3 jen 2022 oswa anvan sa. RFP konplè a ak enfòmasyon adisyònèl ki gen ladan Avi Soumisyonè a disponib [isit la](#).

###

Lòt nouvèl disponib sou sit [www.governor.ny.gov](http://www.governor.ny.gov)  
Eta New York | Chanm Egzekitif | [press.office@exec.ny.gov](mailto:press.office@exec.ny.gov) | 518.474.8418